

EPICEDIA,

QUIBUS

PRÆMATURUM OBITUM,

VIRI

CONSULTISSIMI ET DOCTISSIMI,

DN. JOHANNIS

CZIMMER-

MANNI,

REGIÆ CIVITATIS THORUNIENSIS

SECRETARII

BENE MERITI,

Qui d. XI. Febr. hora quarta pomeridiana anno MDCCCVII
accidebat

IPSO EXEQVIARUM DIE

XVII. Febr.

*Prosequi, & mæstissimos Parentes unicum lugentes filium,
Viduamq; insperato mariti funere afflictam solari studebant,*

RECTOR ET PROFESSORES

GYMNASII THOR.

THORUNII,

Imprimebat Johanes Conradus Rügerus, Nobiliss. Senatûs & Gymnasii Typographus.

C 274

M. P. J. ARNICH
1797



Vid Tibi blande Parens? quid vos mihi sanguine
iuncti?

Quæ sævi cœpit nunc urere flamma doloris
Viscera, qui tandem Vestros tremor irruit artus?
Cur rigor infestat quasi ducto compede linguam
Infirmam, multumque loqui vox deficit ausis?
Et sterili Fedat cur culmine tecta cupressus
Funesta & quoddam designat flebile damnum?
Non mea mors optata mihi finisque laborum
Materies poterit Vobis tantæ esse querelæ,
In terris equidem nondum sex lustra peregit
Ætas, atque dies cunctis visæ amplius ire.
Ast hæc vis fati, constans hic ordo Jehovæ,
Demonstraturo, sibi soli cuncta subesse,
Spesque hominum dubias ejus moderamine flecti.
Imber decutit ut nitidos de culmine flores,
Ut segetes lætas immissa grandine sterni
Conspicimus, miseri ac eludi vota coloni.
Sic, fateor, mecum spes merfas esse meorum.
Sed si qui vixit bene, jam vixisse putatur
Ille satis, mihi jam in terris satis esto dierum.
Et cur non satis? ærumnas curasque relinquo,
Fessaque nunc placida recreantur membra quiete,
Illi haud vos fugiunt atroces pectoris æstus,
Atque graves animi fluctus morsusque maligni,
Queis erat expositum langvens & debile corpus.
Omnia jam vici mala, dispulsoque veneno
Morbi, nec turbat quicquam solatia mentis,
Verbo: me tenet æternæ pax grata salutis.
Nec mihi nobilior poterat contingere voto.
Hæc quæso in mentes ægras demittite vestras,
Amplius haud signet tristes pia lacryma vultus.
Mox erimus iuncti, lætis amplexibus omnes
Excipiam, vos expectant jam gaudia cœli.

Ita Magnif. Virum, unicum lugentem filium, & ceteros propinquos.
sub hoc funere percussos, persona B. defuncti solari conabatur.

M. P. JAENICHIUS, R.
Pli-

Plinius Lib. V. Ep. XXVI.

Crudum adhuc vulnus medentium manus reformidat, deinde patitur, atq; ultro requirit: Sic recens animi dolor consolationes rejicit ac refugit, mox desiderat, & clementer admotis acquiescit. conf. Lib. I. Ep. XII. circa fin.

Sit cos, sit saxum, sit vel Marpesia cautes,
Qvi nollet patrii fata dolere soli.
Pulchrum est palmiferæ pacis dulcedine duci:
Pulchrius est veræ pacis honore frui.
Ast ubi quærenda est? totus namqve æstuat orbis
Bellorum flammis. Pax super astra volat.
Quodcunqve aspicio, nihil est nisi Martis imago:
Mars tumidus verbis, ensibus ille minax.
Heu mihi quam grandi feriuntur bella boatu!
Quantus ab Arctoo personat axe fragor!
Et quæ non tandem cogemur adire pericla?
Ni nos dextra DEI firma potensqve tegat.
Publica sunt oculis hæc obversantia damna,
Quæ cum mœsticia scæmina masqve gemit.
Ast alium sentit jam mœsta Thoruna dolorem,
Pectoribusqve suis concipit atqve coqṽt.
Non est de nihilo, cum SECRETARIUS * urbis
Dat præmaturæ colla novella neci.
Vivere qvi fuerat prolixos dignus in annos.
Dum Patriæ tulerat commoda magna suæ.
Officiis promptis cum nostræ subvenit urbi,
Ut candela suo deficit officio.
Ille fuit sacri, Civilis & ancora juris,
Vas legum, patrii stella jubarqve fori.
Externas felix lingvas callebat ad ungvem,
Quævis Ipsi a multis conciliatus honor.
Cum quondam nostræ calcavit limina Musæ,
Impiger in studiis egregiusqve fuit.
Non stetit in latebris, docto sed prodiit ore
Declamans, certans, carmina clara ferens.
Non nudus spectator erat, sed sedulus auctor
Sudoris docti propositiqve scopi.
Post adiit terras ferventi sole calentes,
Immensasqve sibi conciliavit opes.
Hinc honor oblatu Nostro est, quem rite polivit
Ingenûaqve fide, judicioqve gravi.
Jam jacet extinctus febris morboqve maligno,
Dilectiqve PATRIS mors fit acerba sui.
Flebilis en! Mater Natum deplorat ademptum:
Et Generum Socrus, mœsta Marita Virum.
Quid facitis? Luctu ne Vos maceretis acuto:
Ad Dominum rediit quod fuit antè suum.
Depositum voluit DEUS ad se sumere charum,
Quod Vobis certo tempore restituet.

Spiri-

Spiritus in coelis vivit, vivusque triumphat,
Despicit & sordes quisquiliisque soli.
Inter nos vixit longævo tempore: quando
Nemo parum vixit, cui bona vita fuit.

In solatium Antiquæ & Ampliæ familiæ Czimmermanianæ unici
Filii præmaturam mortem acerbè dolentis scr.

M. MARTINUS Böhmi.

* Cum malis ministris poterit Princeps in negotiis suis efficere aliquid; at non cum imperito Secretario.
Stomachus est, ubi digeruntur negotia, & si concocta male inde prodeant, caduca erit & brevè vita
gubernationis. Repetantur memoriâ tempora retro præterita, & statim apparebit, nullum unquam
statum rite & feliciter gubernatum fuisse, nisi cum, qui insignes habuit Secretarios. Plura, quæ hu-
jus sunt argumenti, legantur ap. Did. Saavedram Symb. Polit. LVI.

Nullus erat, nec erit, causas qui mortis ad unguem,
Quotquot sunt, omnes commemorare queat.
Nam si iudicio rationis credere fas est
Edoctræ multis usibus atque modis:
Si varii casus, si tot discrimina vitæ
Pensentur recte, quæ subit omnis homo,
Myriadas tot causarum memorare valebit
Nemo, nec capiet nomina sola aliquis.
Omnia, quæ sunt à Superis concessa saluti
Humanæ, vergunt ejus in exitium.
Perversus quando rerum dominatur abusus,
Quando decens ordo deficit atque modus.
Lethales pariunt vitiati in corpore morbos
Humores quatuor: Phlegma, Melancholia,
Sanguis cum Cholera, nec non ær vitiatus:
Cumque cibo potus, somnus & excubiæ.
Accedunt æstus, fluctus & frigidus horror:
Omnia quæ dici mortis origo solent.
Exemplo doctos præsentis Funeris ergo
Sensibus expertis credere nemo vetat.
Hic Vir erat juvenis tam animo quam corpore præstans
Dum jussu Procerum suscipiebat iter.
Verum correptus riphæo frigore febrim
Contraxit rediens, quæ audit acuta, domum.
Hæc adèò diris ussit fervoribus artus,
Hic Vir ut Egregius vivere desierit.
Qui publicis rebus prodesse paratus & aptus
Spem Patriæ magnam fecerat atque Patri.
Sed spes cunctorum mors præmatura fefellit,
Præcipuè Patris jam sine prole senis.
Attamen haud Isti deerit solamen, honesto
Quòd fuit extinctus Natus in officio,
Illi nil potuit contingere honestius unquam,
Succubuit publico quam quòd in hoc opere.
Semper honos, nomenque Ejus, laudesque manebunt
Qui Patriæ propriis commoda præposuit.

Pausula ista memoriæ & honori sui quondam discipuli charissimi, tunc
Amici & Fautoris desideratissimi lugens scribebat

M. MARTINUS BERTLEFFIUS.

144 113064

1441 3 adl. 75